



3490

kat.komp

III. Mag. St. Dr. P

1684 die 24 Martii.

Poenya 3058.

Lienkiewi Petri: Viridarium academicum ad
amoenas revirescentis veris primitias efflorescens,
V.D.D. 14 primae laurea Candidatis — dedicatum.

VIRIDARIUM
ACADEMICUM,

Ad amœnas reuirescentis veris Primitias
EFFLORESCENS;

VV. DD. IX. Primæ Laureæ
CANDIDATIS,

Dum

In Alma Vniuersitate Cracouiensi,

PER

Excellentissimum, ac Doctissimum Dominum,

D. M. MARTINUM
OSLINSKI,

*Philosophiæ Doctorem, ac Professore, Collegam Minorem,
Contubernij Iageloniani Seniore,*

In frequentissima Nobilissimorum Hospitum, &
Academici Senatûs Corona,

Artium, & Philosophiæ Baccalaurei,

RITV SOLENNI,

RENVNTIARENTVR;

Amoris, & gratulationis ergo,

A

PETRO SIENKIEWIC, eiusdem Laureæ Candidato,
Panegyrico applausu,

DEDICATVM.

Anno Salutis 1684. Die 24. Martij.

CRACOVIAE, Typis VNIVERSITATIS.

In Gentilitium Insigne,
ILLUSTRISSIMI, & REVEREND: PRÆSULIS.



Hoc decus excellens graduum, quos LILIA cingunt,
Augustum posuit, PRÆSULIS axe caput.
Hoc folio, virtus niuei purissima cordis
Regnat; & innocui signat honoris Ebur.
Inde Domus celebris, florebit OBORSIA terris,
Et niueos, Lechico ducet in Orbe dies.
LILIA sic spondent Tibi PRÆSUL Magne, vouentq;
Vt sis flos, altæ gemmaq; Sacra mitræ.

IOANNES DE OBORY OBORSKI, Capit. Liu. Golembien: &c.
Auditor Eloquentiæ.

ILLUSTRISSIMO, & REVERENDISSIMO DOMINO,
D. NICOLAO OBORSKI,
DEI, & Apostolicæ Sedis Gratiâ,
EPISCOPO LAODICENSI,
SUFFRAGANEO, SCHOLASTICO, VICARIO
in Spiritualibus, & Officiali Generali Cracouiensi,
DOMINO, & PATRONO AMPLISSIMO.



*P*ulcherrima vernantis elegancia decora, quàm so-
luta brumæ compedibus tellus, visceribus suis enti
presumit: Diua quoq; literarum Præses, eximia in-
dolis floribus, consitum Viridarium recludit. ILLU-
STRISSE, & REVERENDISSE ANTISSSE. Clementius
nimirum agi cum suo partu, quàm cum Flora delicato fetu, vel inde
cōvincit; quod cum primi adhuc veris pruinis, Alcinous, Adonisq;
riget; amœnis ipsa primitijs efflorescat. Quidni enim omnia hic
ex facili vernant? ubi fomentum vite, non à Phœbi radijs quari-
tur; sed in vernantes Musarum opes abit, solida quicquid eruditi-
onis amore, ac si fouentibus hortorū pignora ignibus, calet. Nem-
pe terræ duntaxat necessitas est; ut ad tempora debita, & naturæ
ordinem ætuerat: animorum conditio nullis legibus circumscribi-
tur; quin semper in gratam Orbi pullulet venustatem. Hinc profe-
cto, ad amœnas reuirescentis veris primitias, Academicum quoq;
Viridarium efflorescit: quia innocentibus Palladis manibus excu-
tum, ab interno Studiosarum mentium calore, vernantis fomenta
elegancia accepit. Quod laureata ostia sua, Sacro honori Tuo, IL-
LUSTRISSIME, & REVERENDISSE DOMINE, tantò li-
bentius pandit; quantò niueum Gentilitij LILII Tui ebur, inno-
centissimo pectore Tuo concolor, magis; quàm in pretiosis Hesper-
idum, vel pensilibus Simiramidis hortis, exquisitam florum, &
fructuum æstimat voluptatem: imò. quantò Te ipsum o aui nostri
Antistitem flos! o literarum, & literatorum amor! profundiori
cultu veneratur. Interest nimirum illius plurimum; ut à cando-
re LILII Tui, tanta decora demissius poscat; quibus utiq; in a-
mœnissima Tempe, & vernantes Gratias assurgere possit. A can-
dore inquam eius LILII, cuius illibata sanctitatis & sapientiæ
rue, Princeps in orbe Lechico, augusta summa virtutis, & splen-
didissimi generis maiestate, Capitulum Cracouiense, pulcherrimè
nitet.

nicet. cuius miro, zeli pro Domino Exercitū, in exēplū posteris Præsulibꝫ iu-
ri odore; Ecclesia Dei perfunditur. cuius Amplissima Auctoritatis eo maiori ad
omnes demissione, quo sublimius eminet. & Paterni coram tanto effusiori en-
seratione; quanto plures in Gratiarum suarum coloniam miseros recipit; ut
beneficia in illos, ceu manibus effundens lilia plenis, felices reddat; attenti
omnium animi rapiuntur. Est hac scilicet sæculi nostri pertinax de Te. Magne
Præsul confessio; quod in morem Auiti Lilij Tui, Senatū florum sublimitate
suā excedentis, prono nihilominus collo, inclinati ad omnes: Tu quoqꝫ excelsa
virtutum omnium gradu & genere, quemadmodum omnibus antecessis; in o-
mnes ita lros, ac orphanorum turbas, fauentem pupillam intendas. Nec
maior utiqꝫ medela usus, oleo, unguentoqꝫ Lilij habetur; quam Tui pectō-
ris charitate proximi liquecentis, Gratia inter omnes predicatur. Vilescit equi-
dem laudatissimum in Antiochia. & Phaselide Liliū, ubi Tuū tantū doti-
bus insigne, in comparationem venit. Quidquid enim in Sacro Cætu piū, quic-
quid in Basilicis, & Aru sanctum, quicquid in tota Diœcesi, sex propē lustris,
Pontificali honore Tuo illustrata, in exemplum positum; totum illibati Lilij
Tui, spirat odorem. Iam vero immensus in Ecclesia Dei labor & Tu animi
Tui, quō maioribus curis exercitus, eo eminentior, nonne Te Atlantem; cui in-
fractus humeris Diuina moles incumbit; imo Gentiliā, firmiorem esse CO-
LVMNAM declarat? Loquitur id altius ore humano, sacri Tribunal Tui,
tot responsis Diuæ Themidis clarum. Loquuntur tot super uita, & miraculis De-
uorū, maximis curis formati Processus. Loquuntur omnes publici Actus, fulgore
Amplitudinis Tuae, decorati. Loquuntur alia magna sacri Heris gesta, cum quibꝫ
modestia studio, scenam in Orbe non ambis; ut amplius in calo theatrū habeat.
Loquitur & Pallas Iagelonica, ceu tenerrimē a Te semper dilectā; ita foriter
propugnata: purissimāqꝫ Lilij Tui niuem, tanto profundius veneratur; quā-
to magis ad cadorē Academicū accedētē aduertit. Merito proinde, Illustri-
sime, & Reuēdis: Antistes, cui sinum amoris aperis, illa quoqꝫ Viridarij sui,
ostia Tibi pandit; ut nimirum, tot, & tantis negotijs, pectus Tuū fatigatū,
amānitāte suā oblectet; omenqꝫ faciat; quemadmodum Floræ opes in dies na-
scuntur, Tuam quoqꝫ Venerandī senij etatē, superum fauore, ad nostra vota,
in dies Vegetandam. Ingredere illud animo, quo cuncta etiam tam dignari;
quā maximis quibꝫqꝫ emines. Agit lantricē Alumna Tua. Musa mea quæ
cum laureati honoris decore, vitam quoqꝫ Tuis beneficijs d. bet. Primitias ergo
sui laboris, non tam Diuino prescripto, quam ob erati pectōris debito, Tibi Ma-
gne Antistes offert, cum ad lilia Tua, repentes Viridarij Academici flosculos,
presencat. Quibus in herba existentibus ubi locus & gratia, inter Lilia Tua
dabitur, præstantioribus deinceps, maturioris profectus calatis, fontem Gratiarū,
in se pleno alueo dimanantem, coronabit. Modo vero ante Diuina Maie-
statis prostrata solium, vota nuncupat; ut in Te Amplissimis in Ecclesia Dei
meritis, ceu aceruum Lilijs vallatum; cali fauentes, omnigēne felicitatis, Lili-
geros iaculentur imbres: ut Ecclesiæ, Patriæ ac Vniuersitati nostræ, diu, ac feli-
citer vernans, tot Superum gratias, & annos computes.

Lilia quot, gratæ numerant Viridaria Floræ.

Ita vouet. & precatur:

ILLUSTRISSIMÆ, & REVERENDISSIMÆ CELSITUDINIS VESTRÆ,

Cliens, & Seruus Humilissimus,

PETRVS SIENKIEWICZ, Primæ Laureæ Candidatus.

D. IOANNI CANTIO, Regni Poloniæ & Vniuersitatis Cracou: PATRONO, Lilium ex amœnissimo Academia Virida- rio, ad Sacros eius Cineres Oblatum.

CVM LEMMATE

Pascitur inter Lilia.



And do veris Tibi Lilieto,
Noster ô CANTI, niuei tributum
Floris, ad Sacros Cineres profundo
Defero cultu.

Floridis quidquid parit Hybla Campis,
Quidquid in Daphnæs tulit hortus ora,
Aut fauens Musis Heliconis vnda,

Gratius ipso

Vere, si quid fert, rigat atque lassos
Sole feruenti refragrans Hymettos;
In Tuo CANTI latet Academo

Omnigenus flos:

Quem fouet suaui Iagelona Pallas
Fonte, Pæstani iuga montis Alma
Vincis, ac puro Phaëtonte fulges

Clarius Orbi.

Ex Tuo CANTI, legit Orbis horto
Atticos flores; Sacra thura Musæ
Sarmatis fragrant, & olet Iuuentæ

Dogma Lecheæ.

Quidquid Augustus dedit eruditæ
Splendor Europæ, Iageloque Magnus
Quidquid ad nostras retulit Camænas,

Atque Lycea:

Inter hoc totum, viret æuiternum
Fama per sæclum, decus, atqꝫ splendor,
Fulget in terris, super Astra scandit

Gloria CANTI.

Dum Tuos inter resonamus hortos;
In quibus sacro modulatur ore
Musa: natiuam Pater Alme Pubem
Allicis ad te.

Nostra dum Laurus viret in Coronas;
Ex Tuo multum retulit vireto,
Et Tuâ vernat probitate, prima
Laurea nostra.

Diue, cûi fastûs Getici triumphans,
Nuper affixit spoliû IOANNES,
Lechici Regni Column, precamur,
Esto Patrone.

Quos dedit nobis Tua Laureatos
Dextra splendores, studio virentes:
Hos Tibi cunctos iterum sub Alma
Ponimus ara.

Clarissimis, & Excellentissimis Dominis,

DD. EXAMINATORIBVS,

Clarissimo, & Admodum Reuerendo Domino,

D.M. PETRO PRACZLEWICZ,

Collegæ Maiori, Regio, & Cursûs Vlad slauiani Professori, Cano-
nico S. ANNÆ, Ac interea Philosophicæ Facultatis Decano.

Clarissimo, & Admodum Reuerendo Domino,

**D.M. RAPHAELI CASIMIRO
ARTENSKI,**

Collegæ Maiori, Regio, & Tyliciano Eloquentiæ Professori,
Scholastico S. ANNÆ.

Clarissimo & Excellentissimo Domino,

**D.M. IOANNI STANISLAO
BALICKI,**

Philosophiæ Doctori, ac Professori, Collegæ Minori.

In signum debitæ Venerationis,

Cyclaminum in vepribus nascens cuius flos in Coronas admittitur.

CUM LEMMATE

Vos ambit vasta Corona.

Arbitra

Arbitra mentis Pallas, eburnea,
Doctâ ferendum pondus, in Indole
Querens, potenti cum Gradiuo,
Alcinois rediens ab oris;

Omnes Sarissis terruit exteros,
Et tota Regni flumina Nerei
Calcare visa est. Doctâ tandem
Musa suo cumulata fetu.

En inquit adsum: quid cupis Indoli
Præstare nostra? Pallas ait: viros
Mirata; qui virtute claram
Promoueant studiis Iuuentam.

Finivit alti iudicii Dea:
Et iam Catones constituit graues,
Dignos, fauentes, atq; doctos
Dotibus eximius valentes.

Vos clara pro tunc arbitria Indolis,
Nostriq; grandes ingenii faces,
Et fulcra Regni Iagelonis,
Sidere fata tulere nobis;

Quæ vos redonent Carmina gratiis
Ignoro prorsus: semper habet tamen
Affectus auram præpotentem,
Quæ flat ab ore viri benigno,

Et corda saxi accipientium
Donata pulsat. Te prius Arbitrum,
Cui purpuratus splendor inde,
Atq; decus micat, æuiteris

Per ora Musis, dulcia PRACZLEWICZ,
Canunt sonoro barbita carmine:

Nam me citauit Diua Pallas,
Pieridumq; cohors sacrata;

Quæ te coronat purpureâ togâ,
Tuiq; Doctas viribus ingeni
Ornat Cathedras, dum Sophorum
Stoa tibi patet erudita.

In te Stagyræ maxima dignitas,
Et disputantium gloria publico
Fulget Theatro. Te Parentem
Doctâ colit numerosa proles.

Te gra-

*Te grata nobis Suada Tylicia,
Metro celebrans, (qui superemines)
Sublimis ARTENSKI, Stagyra
E superis tulit ac Olympo,
Effudit in Te Suada Demosthenis,
Dulcore quidquid condidit Attico
Parnassus, & Musæ virentes
Dulce tibi cecinere carmen.*

*Te Tulliano vertice Porticus
Lechæa laudet, Digne Vir Entheo,
Votis Iuventus laudibusque
Tyliciana ferat per Orbem.*

*Nec te BALICKI, Musa minoribus
Ornat trophæis, mens tua serios
Amat Sophorum per labores,
Ingenij meruisse palmam.*

*Togata poscunt Te sibi pulpita;
Quæ sat deserto nectare fuderat
Docta Iuventa, Laureatas,
Dum licuit redimire frontes;*

*Extollet altis semper honoribus;
Et ecce nunc iam promouet altiùs
Virtus benignum; quæ virendo
Prodiit in calatus rubentes.*

*O eruditi viuite Nestores,
Qui nos beâstis munere Palladis,
Floremq; vernantis Iuventa,
Purpurei decorâsse Veris,*

*Iussistis alto germine; sic virent
Nostræ Coronæ, sic decus aureum,
Ferunt in orbe literato
Perpetuos geminantq; plausus.*

*Augusta saxis nomina Carpathi,
Inscribat extunc Musa perennibus,
Pro laude, quam nobis dedistis,
Mille ferant superi Coronas.*

VIRI-

VIRIDARIUM ACADEMICUM,

ad amœnas reuirescentis veris primitias
Efflorescens.

I. V.D. GEORGIO IANVSZOWIC,
*Gentilitium Stemma, Fasciculus aristarum laureis eruditis
onustus.*

CUM LEMMATE:
Messum tibi spondet arista.

Diuus Apollo Tibi, Cracijs qui regnat Athenis,
Sarmaticisq; plagis; IANVSZOWIC nobilis ortu,
Ex campo Regis crescentes donat aristas;
Quas Magnus Princeps dignâ virtute sacrauit,
Ac illas studiis docuit florere Iuventa.
Quod primate loco virtus Generosa locavit
Te nostrum, Pallasque Ducem, probitate decorum,
Hoc tua Nobilitas meruit. virtusque Paterna,
Et studium sublime tuum pietate coruscans.
Quotquot habet gratas Lechæus Apollo Camœnas,
Quas resonante Lyrâ dotes habet Orpheus almas,
Aut quot fulmineo doctus gerit ore Pericles;
Hoc in Te posuit totum, Sacra Craciâ Musa:
Si velles plectris resonare canentibus Orbi,
Thracia non melius potuit testudo sonare.
Si Iuuenis Suadâ Populo Generose, perores;
Ore grauis Tibi par Romano Tullius Orbe.
Argumenta Sophus tibi si proponat acutus;
Discuties, soluesque viros animosus ad omnes,
Palladias opto scandas cum laude Cathedras,
Et grandes vtinam Phœbi merearis honores.
Vt Sacrare queas insigni stemmate claram,
Et virtute Domum; clarissima quando relucet
Sanguinis hic exempla tui, cum messe beata;
Fertilis hoc etenim nobis tua spondet arista,

II. V. D. SEBASTIANO GDOWSKI,

Flos Heliotropicus, calum aspiciens.

CUM LEMMATE:
Semper culmina scande.

Te quibus

TE quibus donis cumulabo digne,
Aut quid ad doctas referam Camenas,
Dum tot augustis renites Coronis,
Inclyte GDOWSKI.

Indoles prestans tua, mente fulget,
Altius tendit super Orbe vasto,
Dotibus summis decorata, teg,
Musa sacrauit.

Est triumphalis Peripatus in te;
Atque formauit decus; ut Stagyra
Apta pacati, placidique moris
Corda virerent.

Atticus dulcor placet eruditi
Nectaris, grata Latiaeque Suada,
Omnibus spiras animosus arctos
Ferre labores.

Pulchra iam virtus tua pollicetur,
Aureos fructus; celebris luuentus,
Cuius excelsa peracerba mentis
Otia vitas.

Scande supremam Generosus augem;
Solis in te flos micat eruditi;
Hoc tuo, Laurus peritura nunquam,
Spondet honori.

III. V.D. IOANNI ADAMOWSKI,

Polion, Inclytum Musei & Hesiodi laudibus, dignitatem
comparans.

CUM LEMMATE:

Tu surges virtute altius.

Asurge felix, dotibus occupa
Sedes vetustas Palladis Inclytae,
Excelsus, Almus cultioris
Promereare decus Mineræ.

Culmen IOANNES scandis in arduum,
Frondemq; Laurus Palladiæ capis,
Et pulchra virtus te coronat,
Gloria consequiturque doctum.

Hæc illa vis est ingenij tui;
Sensus resoluis; quo Peripateos;
Orisque non cessas disertis,
Mellifluos referare fontes.

Florente tandem percipias manu,
Laurum togatam; quam grauioribus
Curis Stagyra comparasti,
Hæc tibi sit decus æuitenum.

Te clara

Te clara virtus, promoueat virum
Honore summo; te Polion velut
In flore seruet, & supremas
Te faciat meruisse Laurus.

IV. V.D. BARTHOLOMÆO SKOWRONSKI,

Rosa Alabandica, albicantibus foliis, pluribus utilissima.

CUM LEMMATE:

Ore Rosas loqueris.

Nemo magis Princeps alio candescit honore,
Vt Virtutis honoribus.

Nulla magis virtus in magnos crescit acervos,
Quam qua fert sapientiam.

In te SKOWRONSKI, crescunt virtutis honores,
Quos lux docta dedit tibi.

Nam tua Musa, Chely semper modulatur amena,
Nec non Pindarico metro.

Qua magis, atque magis doctos comita a Pœtas,
Cunctis excitat Enthea.

Cultum animi dicamne tui, qui Nobilis Orbe est,
Semper prima tenet loca.

Hoc tu, prestantes animi cum Pallade dotes,
Et vim mentis Eburneam

Declaras; quoties cultissima dogmata poscunt,
Et lux plena scientia.

Insuper, & Cathedris facundum Rhetora prestas,
Fundens flumina Tullii.

Crede, tibi semper florebit Laureæ Phæbi,
Et magnum faciet virum.

Nam suavi ore rosas loqueris, sic florida semper
Vernabit tibi gratia.

V. V.D. ALBERTO MACHAROWICZ,

Cyrenis odoratissima, unguento celebris, cæli temperiem referens.

CUM LEMMATE:

Sic virtutis odor.

Quid dicam de Te, vel quâ decorabo Coronâ,
Virtutis Lauri munera digna tua?

Florescis clarè, clarorum floscule florum,
Cui sapiens floret, cum probitate decus.

B 2

In tua

In tua me cupidum rapiunt encomia Musa;
 Nam virtus stimulos, dulceque Nomen habet.
 Excelsos apices MACHAROWICZ scandis honorum;
 Quem meritâ Lauri, contegit Alma Parens.
 Fertile pectus habes; nam dotibus vndique magnis,
 Claret Apollinei fertilitate boni.
 Laudibus eloqui, suavi cum nectare certas;
 Doctrinæ Hyblaos fundis vbique fauos.
 Tu flores loqueris; tu lilia candida spargis,
 Et Suadæ gustas, ore libente dapes.
 Vt Cyrenis sapiat tua mens, & florida Musa;
 Nam virtutis odor, fragrat vbique tuæ.

VI. V.D. FRANCISCO BORKOWIC,

Helennium Indicum, radiantibus foliis coruscans.

CUM LEMMATE:
 Orientem veneratur solem.

Dotibus eximiis clares, fructusque togatos,
 Parnasso celebri, BORKOWIC carpis ab almo;
 Et tibi, decerptam Laurus mea Musa coronam
 Offert pergratè, cingens tua tempora, Sacra
 Arbore Apollineâ. nam doctâ mente resolutis
 Difficiles nodos, ac alta cacumina prensas.
 Eloqui dulcis tibi fons emanat ab ore.
 Clinosum virtutis iter, plenumque laboris
 Ingressus studium, mox & matore calescis
 Flammâ; perpetuum, Sacra te Palladis ara,
 Spesque tuas omnes, atque ardua vota dicâsti.
 Hinc decoratus eris Phæbi vernante Coronâ,
 Et tua per celebres Cathedras doctrina vigebit.
 Vnde tuo capiti Laurus defertur amena,
 Qua exortos, semper radios Phætonis adorat.

VII. V.D. CHRYSOSTHOMO RVCIENSKI,

Helicrysos flos auro similis, quo Principes coronari cupiunt.

CUM LEMMATE:
 Et calamo, & aureus ore.

Procedis fausto pede, mente cacumina tangens,
 Virtutis Lauri condetorate sacra.
 Quo metro celebrem, vel quo te munere donem?
 Ingenio cum sis ipse Corona Tibi.
 Flores, atque vires cultu vernantis Hymetti,
 Vt Musæ dulcis Suada, metrique Lyra.

Æquas Laurigeri resonantia Culmina Pindi;
 Ampion in Citharis, Orpheus inque Lyra.
 Parnassi toties in Sacro vertice certas,
 Eumonium quoties, tu Venusine canis.
 Accurras citius, portu Victurus Arion,
 Pegaseos fontes, Castaliosque bibens.
 Prætereo niueum, Sacra dulcedine pectus
 Repletum; decorat quod pietatis amor.
 Pandis Aristotelis mentem, Generose RVCINSKI;
 Aurifluoque tibi, Tullius ore micat.
 Fac valeas calamo, & sis aureus ore disertus,
 Aurea Doctoris nomina, quando refers.

VIII. V.D. ALBERTO LYTKOWIC,

*Nyctegretum, foliis spine, à terra se non attollens; quo Magi,
 Parthorumq; Reges, ad vota suscipienda utebantur.*

CUM LEMMATE:
 In minimo, maxima virtus.

Felix possideas, culmen Apollinis,
 Præclarum genii decus.
 Dignum te faciet Laurea LYTKOWIC,
 Vt Phæbo vireas Sacer.
 Vt mentem studis tu melioribus
 Ornes; optima premia
 Prensans, mellifluum colligis Entheum;
 Qui fructus dabit aureos.
 In te flexanimi copia nectaris,
 Dulcores facit Atticos.
 In te Socratici Vincula pectoris,
 Soluit vis sapientia.
 Tu candore nites mentis Eburnea,
 Sublimi ingenio valens.
 Ergo flore tuo sit tibi maximum,
 Quod fers in minimo decus.

IX. V.D. SEBASTIANO SADRZYNSKI,

Viola alba, florum prima ver nuntiantium.

CUM LEMMATE:
 Et tibi fausta feret.

TV volucris virtute volas, fastigia Musæ
 SZADRZYNSKI tangens, docte vir atque grauis.
 Penniger

Penniger ad Laurus, Pindique per ardua tendis,
 Polles ingenio dexter ubique tuo.
 Postquam sustinuit, Iuuenis tua Musa labores,
 Te meritò vatū dulce coronat Ebur.
 Iliades referas clausas, subtilis Homeri,
 Atque ornas studio rostra togata tuo.
 Quando suauē fuit, iucunda Demosthenis vnda,
 Flumen nectareo manat ab ore tuo.
 Pectore delictum, cū cernat Sacra Mathesis,
 Euclidis tibi mens, Archimedisque placet.
 Tramite contendas fausto, potiore decorus
 Lauri, quā nobis emolumenta feres.
 Sis albæ violæ flos candidus, vndique vernans;
 Hic tibi flos, vitæ candida sacra dabit.

VI. V.D. PETRO SIENKIEWICZ,

Primæ Laureæ Candidato,
 Auctori Operis,
ALBERTUS MACHAROWICZ,
 Eiusdem Laureæ Candidatus,
In vim fraterni amoris, & gratulationis, offert, & dedicat.
Fasciculum, ex vario vernantium florum genere.

CUM LEMMATE:
 Ingenio, Musisque flores.

EN nostra plaudens, M sa Tibi quoque
 Asurgit; & mox pergit ad intima
 Soluenda cordis tributa,

Quod fuerit decorata ritē
ATe; venusto carmine SIENKIEWICZ,
 Qui nos adornas laudibus inclitis,
 Florumque dignaris virore,

Eumoniis resonando plectris.
 Te Flora vernis cingat honoribus,
 Te nōrit Hybla purpureum decus
 Ferens Adonis, qui triumphas,
 Dotibus Alcinoi decorus.

Rosis in horto pulchrior omnibus,
 Et cuncta vincis candida lilia.
 Fulgore mentis; cū virenti
 Ingenio, calamoque flores.

Regnat venustas eloqui tui,
 Et dulcis in Te copia nectaris,
 Scū rostra Te poscunt diserta,
 Dogmata scū Stagyra resoluis:

Vring.

8
 Virique magnis plenus honoribus;
 Suadamque dulcem, & Castalidum Deas,
 Sacraque doctrinam Mathesis,
 Ingenio capis eleganti.
 Diu perennes delictum Lyra,
 Amorq; Suada; vne diu precor;
 Hortusque, quem nobis dicasti;
 Nulle Tibi faueat Coronis.

I. V.D. GEORGIO IANVSZOWIC,

Primæ Laureæ Candidato,
in vim sinceri affectus, & gratulatorii applausus offert,
BARTHOLOMÆUS CASIMIRUS SKOWRONSKI,
 eiusdem Laureæ Candidatus.

Aceruum tritici Vallatum liliis.

CUM LEMMATE:
 Virtutum candida messis.

Continuo versare graues sub pectore curas,
 Anxia res homini est; atque molesta nimis.
 Nullus enim affectat sic curis acribus angi,
 Vulturis vnguibus vt, pressus erat Ictus.
 Solus es enixus Tu, contra docte Georgi,
 Cui placuit, Triuia cura togata Dea.
 Qui licet eximia esses laudis diues, & Vber,
 Emeritum Tibi, quam stemma Parris tulerat.
 Nobile stemma Parris, Tibi quod virtutis auitæ
 Insignem stimulum, dulceque dogma dedit.
 Tu tamen, inde tibi laudem nullam esse putabas;
 Ni virtute Tuā, & parta labore foret.
 Sic citò virtutem exerce, quam marmora nunquam
 Condunt, condere cū nulla sepulchra queant.
 Namque viget semper, dum tellus stabit, & vnda,
 Et surgent, nitidis sidera celsa polis.
 Sic in continuos studiorum sape labores,
 Tendis, Palladis inuigilans studiis,
 Vicitrici Genitor praecinxit tempora lauro,
 Ingressus campum Martis, & artis erat.
 Tu praestans Iuuenis, cū primis cultor ab annis,
 Palladii campum, Numinis ingrederis.
 Dotibus ingenii polles, tū & voce venusta,
 Arguto promissis verba diserta, sono.
 Inde Tibi crescit nomen, laudisque corolla
 Aurea; quæ tenerum tollit in astra caput.
 Sic igitur colles Musarum vade per altos,
 I, prope, ac animo ne cade, magnus eris.
 Non canit assueta cygnus vocalis in vnda,
 Ni Zephyri ipset mollior aura sibi.

Inclyta proposito sapientia crescit honore,
 Speratoque alicur docta Minerva lucro;
 Splendida sicque tuum circumstat fama laborem,
 Virtutique facit gloria se comitem.
 Tramite sic igitur virtutum perge beato;
 Si verè ornari laudis honore cupis
 Perge, lubensque tui claros Patruī elige mores,
 Nulli qui discens arte secundus erat.
 In quo est & morum gravitas, & gratia doctæ
 Mentis, & eximius religionis amor.
 Maxima cui Cœli moderator premia donet,
 Quod mihi det sacra, munera larga manu.
 Sic igitur Phœbi Parnassia culmina scande,
 Artibus ut diues, sis animoque gravis,
 Virgula Cecropiæ quondam sacra Mineruæ,
 Fertur Amalthæo plura dedisse sinu;
 Eius enim optatis succedunt omnia votis,
 Cuius in eximium se dabit illa decus.
 Tempore Palladias longo, qui comparat artes,
 Haurit & Aonii pecula sacra iugis
 Huic nil deesse potest, hunc pleno copia cornu,
 Imperat Attalica conditione frui.
 Hæc Tibi Palladiæ veniet cum munere laurus,
 Cum tuus ornatur nobilitatis honos.
 Sic tandem Musas habeas Tibi ubique fauentes,
 Præcingant caput ut, laurea ferta tuum.
 Vere nouo, ut tellus nescit de fronde coronas,
 Æstate, ut capitis spicæ ferta gerit:
 Ut gravis Autumnus, maturat in arbore poma,
 Iris, ut umbrifero sæpe colore micat.
 Aurora, ut gemmis, diues Pactolus arenis,
 Sideribus Cœlum, carminibusque Maro:
 Sic Tibi, (nam liceat pulchris componere pulchra)
 Ex vario cingat flore corona caput.
 Sic Tua Erythræis splendet Musa lapillis,
 Sic tuus aurifluo currat ab amne liquor.
 Et cum terra ferax primæuo flore redundat,
 Atque redit veris gratia non solita;
 Carcere cum frenat captiuos Æolus Euros,
 Festiuo tantum luset ut Zephyro.
 Et mane astrorum dum cogit Lucifer agmen,
 Et cum sylvarum iam requiescet honos;
 Tu quoque suscipias obsecro gratus æceruum
 Triticeum, circum quem noua lilia stant;
 Huic manipulum coniunge tuum, quem stemmate defers,
 Quem præclara tui vita patris legerat.
 Iunge tuum manipulum, studiis sis, arteque diues,
 Mente senex; animus, vitæque lilia sint.

Permissu Magnifici Domini,
 R E C T O R I S.



